



玄宗內典諸經註序

道本無名名其強焉者名且無而
強之况於言乎况於經乎又况從
而為之註乎既強其名則言也者
經也者註焉也者非強乎然則孰
從而強傳之又孰從而強信之是
皆所謂贅焉已耳雖然天何言哉
孔子之言也而子貢則曰子如不

東京大學
東洋文化研究所所藏
漢籍善本全文影像資料庫

書名 玄宗內典諸經註 天順四年序刊本
撰者 明 邵以正 輯
卷 序
內容分類 子-道家-雜著
索書號 子部-道家-97
編號 C7023800

[彩色首頁1](#)

[東洋文化研究所漢籍目錄](#) 編號: C7023800

[東洋文化研究所漢籍目錄所藏漢籍善本全文影像資料庫](#) 索書號: 子部-道家-97

[漢籍善本全文影像資料庫](#) 文本 [玄宗內典諸經註](#) 天順四年序刊本

版權所有: [東京大學](#) [東洋文化研究所](#)

[使用上的注意事項](#)


0 1 2 3 4 5 6 7 8 9 10 11 12 13 14 15 16 17 18 19 20



子 道家
97

陰符經

諸經子附



7842

備前宰相孝田秀家際朝鮮彼物色
談國史籍而將未者為數頗多後以
之與曲直瀨養安院云本書則其一
冊也 大正元年十月識 檜邨

玄宗內典諸經註序

道本無名名其強焉者名且無而
強之况於言乎况於經乎又况從
而為之註乎既強其名則言也者
經也者註焉也者非強乎然則孰
從而強傳之又孰從而強信之是
皆所謂贅焉已耳雖然天何言哉
孔子之言也而子貢則曰子如不

言小子何述焉使人皆孔子老子則無名可也不言可也雖穎悟如賜猶不免何述之歎不名不言可乎夫經所以載道非經則道無所憑不幾於泯乎註所以釋經非註則道無所明不幾於晦乎晦而且泯焉身斯道之任者不能無慮也此言焉經焉註焉蓋有不得已焉

者也若悟玄養素凝神冲默闡微振法通妙真人吾蘇邵尊師以正其今之任老子之道者歟任之而不作興之而使之晦且泯焉未可也於是既取道德經集解刻之梓矣乃今復集陰符清靜洞古大通消災定觀胎息心印五厨九經及入藥鏡青天歌皆前賢之註釋者

仍謀梓行惓惓焉欲明斯道於天下使學者因註以求經因經以繹言因言以悟道庶幾斯道如日星之昭明而無或晦如川岳之流峙而無或泯脩之於身可以葆真毓和以永夫清靜自然之身推之於國可以聖

君休民以翊夫

清靜無為之化而老子之道得以日興日隆彌久而弗替既遠而愈光則斯道之任於是為無媿蓋非得已不已焉者也而尊師用心之溥信道之篤亦於是乎槩見焉宜其身遭

明盛荷寵

累朝大倡其道於斯世者非幸也宜

也鏤板成尊師屬筆首簡子特著
夫身其道者必思盡其責蓋有不
得已焉耳後之來者尚鑒茲哉
天順四年歲次庚辰秋九月朔旦
賜進士及第翰林

國史脩撰前

經筵講官玄同居士郡人陳鑑緝熙書

玄宗內典諸經註目錄

黃帝陰符經註

太上老君說常清靜經註

太上赤文洞古經註

太上天通經註

太上昇玄消災護命妙經註

洞玄靈寶定觀經註

玉皇胎息經註

無上玉皇心印經註

老子說五厨經註

崔公入藥鏡註

青天歌註